

YMA thiltum: 1. Hunawl hman that. 2. Zofate hmasawwna ngaihtuah. 3. Kristian nun dan tha ngaihsan

Vol. 43		Issue No. 24		Ramhlun North: Ni 14 June, 2025	
SECTION THU THAR		YMA DAY VAWI 90-na THUCHAH (Central YMA President Pu Lalhmachuana hnen atangin)			
Neuva Section : YMA member 3 an nei thar.		Ramhlun North, the 14th June, 2025: A hmasa in tlang hrang hrang a YMA hruaitu leh ka member puite leh ramchhung leh rampawn a mizofa awm zawng zawngte YMA Day vawi 90-na chibai ka buk a che u. YMA Day hlim taka hmang turin duhsakna ka hlan a che u.			
SUB.COMT THU THAR		YMA din tirh Kum 1935 atanga vawiin thleng hian YMA ropuina leh Mizofate tana a hlutna hi a ropui zual zel a. Hun lo inher danglam ang zelin YMA pawhin hma a sawn chho zel a, tunah chuan YMA hi Branch 821 awm mekin Group 50 leh Sub-Hqrs 8 niin member pawh 5,00,000 lai kan lo tling ta a ni. YMA dinna leh inngahna, ‘Tanpui ngaite tanpui’ kawngah pawh ke kan pen zel a. Kumin YMA Day denchhen hian, Central YMA chuan Home/Centre leh Hospital hrang hrang bakah zoram pawn a Mizo Welfare hrang hrang te ah luahchhuahna a nei leh thei a. Heng bakah hian Sub. Hqrs. YMA leh Group YMA te pawhin an mahni huamchhung ah theuh chanhai leh tanpui ngaite tan an luangchhuak leh thei te hi a ropui in, YMA hlutna tizualtu niin ka hria a.			
Kumpuan Sub-Committee: Naktuk ni 15.06.2025 hian Ramhlun East Kohhran Tleirawl Inkhawmah hun an hmang dawn a, Pu Biakchungnunga, branch Secretary in hun a hmang dawn a ni.		YMA hi NGO pakhat mai a nilova, hnam inngahna lungphum, Mizote min phuarkhawmtu, a tul ang zela Ram leh Hnam tana ke pen thin a ni a. Thlei bik anei lova, a te ber atanga a lian ber thleng hian angkhat in YMA hian min hrut rual vek a ni.			
Library Sub-Committee: Er. R. Rohmingliana (MLA) chuan computer set tha zet mai a pe thar a, a chungah Library Sub-Committee chuan lawmthu an sawi takzet a ni.		Mizoten YMA kan lo nei hi kawng tinrengah kan vanneihpui hle a, hnamdang pawh in hetiang pawl ang hi neih ve theih an chakin an rawn zir fo thin a, an awt em em a ni. Tunlai thangthar zingah YMA hlutna hrefiah zolo te pawh awm ve palh theih a ni, chuvang chuan a tul ang zel a kan inhrilhfhah te pawh a tul awm e.			
Music Sub-Committee: Snake Cable, microphone, bass guitar case te lei thar an ni.		YMA hian Mizoram chhung chauh ni lo, India ram zau zawk ah te pawh hriat a hlawh ta hle a. Pawl lar tak a nihna hi a zual zel niin ka hria. Ramngaw leh Nungcha humhalh, Ruihhlo Do leh Faina kawnga hmalakna ah te India rama chawimawina sang dawng thei khawpin YMA hmalakna te hian hriat alo hlawh ta a, a lawmawm tak zet a ni. Ram tana thil tha tih hi chhunzawm zel ila. YMA ten lawmman beisei vang nilovin, kan ram leh kan hnam tan hma la zel turin kan inchah a ni.			
Property Sub-Committee: YMA in thenkhatah te YMA Flag zar thar a ni.		A tawp berah chuan kan mihring puite tana kan phak tawh theuh a that chhuah leh thil tha tih hi a Pathian thu in a YMA em em a ni. YMA Day denchhen hian sum leh pai a ni emaw, ei leh in tur a ni emaw, thisen pek a ni emaw, a tul ang leh kan rilrua a lan ang zelin YMA member tin ten thil tha engemaw tal tih nan YMA Day hi hmang tangkai ila, ram leh hnam tan intuaitharna NI-ah i hmang ang u.			
BRANCH THU THAR		DARLUNGAH YMA DAY HLIM TAKIN HMANG			
Local Council atangin tlangauna siam nan Rs. 20,000/- kan dawnga, an chungah lawmthu kan sawi takzet.		Ramhlun North Branch YMA leh Darlung Branch YMA chuan vawiin hian Darlung-ah hlim takin YMA Day kan hmang a, kan branch atangin lirthei 30 chuang kalin, mi 200 vel kan tling thei a, Darlungah hian YMA Day pualin tlaiah ruai theh nghal a ni a, member kal ten nuam kan tiin, kan hlim tlang hle a, hetiangah hun hman hi zawngchhang tlak hlein kan hria a ni.			
QUIZ Competition: LBS Suzuki Inter-Branch Quiz Competition-ah kan branch chu tel ve ngei ni se tih a ni a, tel duhte chuan Secretary, Pu Biakchungnunga (Ph :9856293369) ah ni 18.06.2025 tlai dar 5:00 aia tlai lovah in report tur a ni e.		Zing dar 7:00 velah kan branch atanga sound lam buaipui tur leh special item nei turten Darlung hi an pan a, a nawlpui chuan zing dar 9:00-ah RSC Field atangin Darlung kan pan ve thung a, hun hlimawm tak kan hman hova kan branch atanga item nei zawng zawng te a che tha thawkhatin mipui lawm an hlawh hle a, an chungah RN YMA chuan lawmthu a sawi a ni.			
YMA DAY CHIBAI BUKNA YMA DAY vawi 90 na kan lo thleng leh ta. He hunah hian Ramhlun North Branch YMA member zawng zawng te in vaiin Day chibai ka buk vek a che u.		Darlung-ah hian Lallula Hall-ah hun hman a ni a, a thawh khatnaah kan Branch President Pu Laldingliana Sailo chuan Central YMA Kumpuan ‘Ram leh Hnam Humhalh’ chungchang sawiin, ram leh hnam humhalh hi YMA tih tur bik chauh ni lovin, mitin kan pawimawh a, kan theihna kawng erawh a inang lo a, mahni theih kawngah theuh thahnem ngai taka tan la thar theuh turin kalkhawm te min fuih a. Tlawmngaihna chungchang sawiin, tunhmaa tlawmngaihna kan hriat dan kha tunlaiah a hman theih vek tawh kher lo thei a, khawvel inher dan leh tunlai mil tura kan tlawmngaih thiam a pawimawh tih a sawi a. Tunlaiah dik vak mang lo a hausa thut kan tam ta niin a lang a, hetiangah hausa thut te hi awt lo va, rim taka thawk a, mahni thawhchhuah mila khawsa thiam te pawh ram leh hnam hum halh nan a pawimawh tel vek niin a sawi bawh.			
Chanhai riangvai te hnemtu, thlafam lusunte hnemtu ni zel tur leh midang te tan a malsawmna ni zel turin theih tawp i chhuah zel ang u.					
-Laldingliana Sailo President					



Mimal

Hnam hnufual, mi faten motor an khalh tawh laia Lo neih bak eizawnna dang nei lo kan ni a. Kan hma thlir pawh a zim. Hnam dangin min chiahpiah teh chiam loh avangin mahniah kan lungawi hle. Kan bul hnai a mi te lek pei chu ngam lo mah ila, kan cho ve zek zek reng a nih hi.

Zo nun ze mawi kan sawi thin a, kan zo nun zia hi a mawi famkim bik hauh lo. A mawi chu tlem te chauh a ni. Chu'ng kan ze mawi neih te chu tlawmna leh midang tan thil tih zel a lo ni.

Khawvela mihring kan ngaih ropui ber ber te hian thil ropui tak an tih aiin thil tlawm tak an ti hi an larpui zel zawk em?. Gandhi-an sap pachal an a tum thu (Imitating the english gentleman) kan zirlaiah a tel thin. Mark tam a pu hauh lo, chu ai chuan India zalenna atana vai zia dik taka a dona khan India hnam pa a nih tir zawk a, khawvel huap pawha mi ropui zingah tarlan a ni. India in zalenna a sualchhuah phah hial a, zirlai te tan phei chuan ninawm khawpin hmalakna a ngah a nih kha.

Mizo te hi hnam naupang tak kan ni, nunphung pawh a mawlmang.ngan mai. Midang tan thil tha kan tih bak chhuan tur kan nei lo. Tunlai thawnthu velin thleibik nei anga min sawi te hi a tak a nih ka ring hlel lovr. Tanpui ngai te tanpui kawngah kan tlanche ngai mi tha an ni emaw mi berh ber an ni emaw.

YMA kan nihna leh Mizo kan nihna avangin kan pi pute tihdan thin kha chhawm nung zel ila. Tanpui ngai te tanpuitu, aia upa te zah thiam mi, mahni hma sial ngai lo, khawtlang hmangaih mi leh Mizo tih awma mawi tithhin mi ni zel ang u.

YMA vul zel rawh se.

Darlung hlimthla



Editor: Eddie Lalfakzuala (7005269255); **Jt. Editor-te:** Lalrotluangi Zote, RK Lalmuanpuia, Lalhuntluanga, Vanengmawia
Manager: C. Lallianzuala (9862365843); **Asst. Manager-te:** Zodingliana, Lalrinchhana, Lalrinawma
Circulation Managers: PB Lahuapzauva, Samuel Lalhluipua, Hmingthanzuala, Vanlalrinkima, R. Zodinsanga, Zothankhuma, Lalrinchhana, K. Lalmuanpuia

MARYMA			PHEK 3-NA			RN YMA CHANCHINBU		
ZIN & HAW ■ Pu Lalrochama, kan Vice President hna thila Silchara zin chu a lo haw leh ta. ■ Pi Lalsanghliri w/o H.V. Lalromawia V Sec. chu Shillong ah in check up turin kal a, a pasal leh a fapa in an kalpui. ■ Pu Emanuel Lawmkima, C-Sec. thil pawimawh avanga Bangalore a zin chu a lo haw leh ta. ■ Pu Haulianthanga, V- Sec.chu tun kâr khan Bangalore ah a fanu tlawhin a zin. ■ Pi Mary Lalnunpari te nufa V.Sec Shillong a chhungte tlawh a zin pawh tluang takin an lo haw leh ta. ■ Nl. R. Lalhmangaihsangi d/o David Laltlankima, S-Sec. chu a zirna hmun Imphal lamah a kal leh ta. ■ Nl. Lalruatkimi, C-Sec. chu a hnathawhna hmun Mamit-ah a zin leh ta. ■ Tv. S. Lalrochama s/o VL Pianruala, N-Sec. thil pawimawh buaipuiin Shillong-ah a zin. ■ Pu Lalnunmawia, C-Sec. chu a hna thawhna hmun Champhai atangin hna pawimawh thilah a lo haw. LOCAL COUNCIL ■ Security Ruai Dawn: Vengchhungah Security rawih a ni dawn a, an ni hian zan lamah vengchhung mi te kan him zawk nan veng an fang kual thin dawn a ni. He security rawih nan hian veng chhungah thawhlawm khawn a ni dawn a. Veng chhung in tinah Rs. 200/- aia tlem lo khawn a ni dawn a ni. He hi kan him tlanna atana ruahman a ni a, veng mipui ten thahnem ngai taka lo pe theuh turin kan inngen e. ■ Mizoram State Sports Council leh Mizoram Basketball Association tangkawp buatsaih Inter Village Council/ Local Council Basketball Tournament-ah kan veng basketball team chhuah ve tum a ni. ■ Veng chhunga ui vulh khuahkhirh lo kan la tam tlat mai, thenawm khaw vengte tan hnawksak an ni thin. Khuahkhirh tha turin kan inngen e. An zun leh ek pawh tha taka thianfai thin turin kan inngen leh bawk a ni.			DAMLO ■ Pu Jimmy MS Tluanga, C-Sec. chu Greenwood Hospital, Bawngkawnah enkawl mek a ni. ■ Pi Sangthannguri, N-Sec. Aizawl Civil Hospital atangin in lama inenkawl chhunzawm turin a lo chhuak. ■ Pu Lalramthanga Zote, K-Sec Civil Hospital a zai chu In lam a inenkawl chhunzawm turin a lo chhuak. ■ Pu Lalramchuana Zote, V-Sec. Ebenezer Hospital-a awm chu in lama inenkawl chhunzawm turin a lo chhuak a, kar thar hian treatment la turin a lut leh ang. ■ Pi Malsawmkimi w/o Lalhmunsiam Varte, C-Sec. chu Aizawl Hospital-ah enkawl mek a ni. ■ Tv. John Lalduhawma s/o Hrangdailova S-Sec. chu Durtlang Hospitalah enkawl mek a ni. ■ Pi Chawnghnuni h/o TC Zadeng (L) S-Sec. chu Civil Hospital atangin dam takin a lo chhuak leh ta. ■ Pu Lalchhuanmawia h/o Lalduhawmi C. Section chu Ebenezar H.D.U ah enkawl mek a ni. ■ Stephen Lalngaihawma S/o Pu B Lalrammawia V Sec chu khawsik leh luak vingin in lamah an in enkawl. ■ Pu K. Kamliana h/o Lalhmangaihi Varte S-Sec. chu stroke leh lu hai vângin in lamah enkawl mek a ni. ■ Pi Thangtuali w/o R Thangmawia (L) V-Sec. chu Aizawl Civil Hospital-ah enkawl mek a ni. ■ Nl K. Lalrinpuii d/o K. Lalnunmawia C-Sec. chu Aizawl Hospital ah kala lungte awm zai a ni a, in lama inekawl turin a lo chhuak. ■ Pi Sangthannguri N. Section Civil Hospital a awm chu in lama inenkawl chhunzawm turin a lo chhuak. ■ Vanlalruata s/o Lalhriatpuia, S-Sec. chu in lamah enkawl mek a ni. ■ Pu Andy Lalrinawma, V-Sec. Synod Hospital Durtlang atangin Civil Hospital, Aizawl-ah sawn a ni. ■ Pi Lalbiakmawii, C-Sec. chu natna hrang hrang avangin in lamah enkawl mek a ni. LAWMAWM ■ Tv. Emmanuel Thangrosanga, T Sec. chuan Rotary Club of Aizawl atangin Zo Inspiration bul tantu leh dintu a nih vingin Vocational Excellence Award a dawng.			KEIMAHNI ■ Nl. Zoramchhani, N -Sec chu Maryma Agent atan ruat thar a ni. ■ MARYMA man la pe lo ten khawngaihin kan Agent-te hnenah lo pe zel ang u khai. THILDANG ■ Insawn: 1. Er. Lalchhuana te chhungkua V. Sec. chu an in thar Tanhril lamah an insawn. 2. Pi Lalrozami w/o Thanchunga (L), N-Sec. te chuan an inthar an luah fel ta. 3. Pi Laldusaki te chhungkua chu Ramhlun South atangin Pu Darkhuma (L), V-Sec. te inah an rawn insawn. 4. Pu Laltleipuia, T-Sec. te chhungkua chu Pu PC Laltlanmawia te in S-Sec. ah an rawn insawn. 5. Pu Issac Zodinsanga Zote, T-Sec. chu E-in C Office, P&E atangin Lunglei-ah sawn a ni. OUR LITTLE SHOP School Uniform chi hrang hrang wholesale leh retail-in kan pe thei e. White shirt (kamis var) puan tha leh suk dawl kan kawl reng e. Readymade leh secondhand thawmhnaw tlawm takin kan nei bawk e. Our Little Shop Ruata Zote In Ramhlun North, Biakin Mual Ph: 6009032765/ 8258095403/ 9436155618 HRIATTIRNA Pu K. Rohluna s/o Pahlira (L) Ramhlun North veng hminga Periodic Patta No. 05 of 2002 Khawruhlian ram, Sihpui Mual ami ti bova rawn insawiin, re-issue leh renew a rawn dil a. A dil anga tihsak a rem lohna tur chhan engpawh hria chuan chanchinbua chhuah atanga ni 30 hma ngeiin a hnuaia address ziakah hian inhriattir tur a ni. Hetianga Periodic Patta pek chhuah leh a lo nih chuan Periodic Patta hmasa chu cancel nghal a ni ang. Sd/- Director Land Revenue and Settlement Aizawl ZO OPTICAL Ramhlun North (Industry peng Traffic Point bul) Pi C. Lalrinsangi Building May-June thla chhung 20% thleng discount a awm dawn a, MUP member leh Vohbik te tan 20% + 5% discount a awm mek bawk e. B.Sc, M.Sc Optometry zir chhuak thiam takin an thut chilh reng bawk a, a thlawn in mit a check tir theih reng bawk e. Contact : Ph-8414007366		

